

Акафист святой великомученице Параскеве, нареченной  
Пятница



## Конда́к 1

Избра́нной Бо́гом от ро́да благо́роднаго, Ико́нийскаго гра́да, премудрой и всехва́льной неvéсте Христо́ве, я́ко избавля́емии тобо́ю от искуше́ний и бед, благода́рственная пѣния и хвалѣния воспису́ем ти моли́твенницы тво́й, свята́я и многострада́льная му́ченице Параске́во. Ты же, имѣя дерзнове́ние ко Го́споду, от всѣих нас бед свободи́, да со умилѣнием и ра́достию зове́м ти:

Ра́дуйся, Параске́во, неvéсто Христо́ва всехва́льная.

## И́кос 1

А́нгелом честну́ю и вселюбе́зную чистоту́ твоего́ сердца́, многострада́льная Параске́во, непоро́чно сохрани́ши, а́нгелом собесѣдница́ бы́ти сподобила́ся еси́. С ни́миже воспева́я трисвяту́ю песнь Бо́гу на небеси́, услы́ши и нас, ве́рою и любо́вию чту́щих тя и вопи́ющих ти хвалѣния сия́ на земли́:

Ра́дуйся, отрокови́це, Бо́гом Отце́м преду́ставленная́ бы́ти сообра́зной в страда́нии о́бразу Сы́на Егó;

ра́дуйся, и Сы́ном Бо́жиим укрепле́нная на по́двиги страда́льческа́я.

Ра́дуйся, и́стинную ве́ру в Животворя́щую и Единосу́щную Трои́цу свято́ соблю́дшая;

ра́дуйся, свято́е целому́дрие и де́вственную непоро́чность до́бре сохрани́шая.

Ра́дуйся, я́ко ра́достно уневе́стилася еси́ безсме́ртному Небе́сному Жениху́ Христу́;

ра́дуйся, земна́го обру́чника́ па́че Небе́снаго зна́ти не восхоте́вшая.

Ра́дуйся, я́ко цвет чистоты́, в неувяда́емой сла́ве цвету́щая;

ра́дуйся, я́ко крин, воня́ми твои́х добродѣ́телей нам благоуха́ющая.

Ра́дуйся, в Небе́сном вертогра́де неизрече́нною ра́достию наслажда́ющаяся;

ра́дуйся, красне́йшаго па́че сыно́в челове́ческих зрѣнием та́мо утеша́ющаяся.

Ра́дуйся, убели́вшая ри́зы тво́я в кро́ви А́гнчей на земли́;

ра́дуйся, в ли́ке де́вственниц предсто́ящая Бо́жиему А́гнцу на небеси́.

Ра́дуйся, Параске́во, неvéсто Христо́ва всехва́льная.

## Конда́к 2

Видевше благоле́пие лица́ твоего́, свята́я мученице Параске́во, лю́дие удивля́хуся, взира́юще на тя, не у́ ве́дяще красоты́ ду́ши твоея́. Мы же, помина́юще светле́йшия па́че со́лнца добродете́ли твоя́, поим Го́сподеви, дарова́вшему тебе́ благода́ть Свою́: Аллилу́иа.

## **И́кос 2**

Му́дрости вмести́лище па́че ума́ мирских мудреце́в яви́лася еси́, отрокови́це непоро́чная, измла́да уклонивши́ся от любве́ к ми́ру и отве́ргши́ся всего́, яже в ми́ре, всею́ полно́тою любве́ твоея́ возлюби́ла еси́ Небе́снаго Жени́ха Христа́, Царя́ Сла́вы, Ему́же, я́ко ве́рная раба́, в жити́и твоём апо́стольски послужи́ла еси́, жи́вши свя́то среди́ неверных и безбоя́зненно пропове́давши им Христа́ Бо́га. Таковому́ твоему́ ра́зуму дивя́щеся, сия́ похвалы́ тебе́ воспису́ем:

Ра́дуйся, прему́драя Ева́нгельская де́во, во све́те ве́ры и дел благо́их ходи́вшая;

ра́дуйся, Христа́ Го́спода, Бо́жию си́лу и Бо́жию прему́дрость па́че всего́ возлюби́вшая.

Ра́дуйся, па́че мудреце́в ми́ра сегó мудре́йшая;

ра́дуйся, па́че ста́рец идо́лослужите́льных разу́мнейшая.

Ра́дуйся, неверных све́том ве́ры просвеща́ющая;

ра́дуйся, ча́д Це́ркве Христо́вы в ве́ре утвержда́ющая.

Ра́дуйся, любóвию твоею́ ко Христу́ а́нгельская ликосто́яния возвеселя́ющая;

ра́дуйся, де́монския лука́вствия ору́жием Креста́ Господня́ отгоня́ющая.

Ра́дуйся, в пропове́дании ве́ры богоглаго́ливая уста́ апо́стольская;

ра́дуйся, дев христиа́нских украше́ние.

Ра́дуйся, ве́рная ко Христу́ Бо́гу моли́твеннице о нашем спасе́нии;

ра́дуйся, всех скорбя́щих кре́пкое заступле́ние и огражде́ние.

Ра́дуйся, Параске́во, невесто́ Христо́ва всехва́льная.

## **Конда́к 3**

Си́лою Христо́вою соблюда́ема, всесла́вная мученице Параске́во, о болéзнях теле́сных небрегла́ еси́, по́двигом до́брым подвиза́тися хотя́щи. Му́жеским смы́слом воору́живши́ся, сла́бость же́нскую отве́ргла еси́, упова́нием же укрепивши́ся, ра́-



достно предстала еси на судище, идеже ясно веру в Троицу Божественную проповедала еси, Богу вопиючи: Аллилуиа.

### **Ўкос 3**

Слышав от тебе, мудрая дочь, неправедный судия неслыханная словеса о твоём рождении, яко благочестивии родители твои, страсти Христовы почитающе, знаменитаго дне тезоимениту ты нарекоша, Параскевою, в предзнаменование, яко Христовых страстей имаши быти причастницею. Не разуме же сего нечестивый игемон, но вещаше ти безстудная словеса и повеле бити тя суровыми жилами и полумёртву ты сущу ввергнуть в темницу. Ты же, доблественне претерпевши жесточайшия муки, в темнице, аки в чертозе светле ликующи, вопияла еси: «Никогдаже отлучуся Тебе, Господи, но послй ми помощь Твою и спаси мя великия ради Твоея милости». Темже, ублажающе тя, вопиём ти таковая:

Радуйся, незлобивая голубице, от искушений лукаваго врага свободившаяся;

радуйся, словесная агнице, от злаго волка мучителя к доброму Пастырю Христу Богу прибегшая.

Радуйся, во двор словесных овец, одесную Его стоящих, вшедшая;

радуйся, на брак Агничий радостно текущая.

Радуйся, яко тебе уготовано есть благ вечных сокровище;

радуйся, яко тебе обетовано есть блаженство Царства Небеснаго.

Радуйся, премудрая Евангельская дево, светло горящий светильник имущая;

радуйся, дерзновение велие ко Христу Богу стяжавшая.

Радуйся, волею своею благое иго Христово на ся подъявшая;

радуйся, сердце своё от всякия лести душевредныя чисто сохранившая.

Радуйся, истинная Христовых страстей причастнице;

радуйся, во страданиях твоих благодатную помощь от Христа Господа получившая.

Радуйся, Параскево, невесто Христова всехвальная.

### **Кондак 4**

Бурю тяжких искушений воздвигоша врази противу тебе, многострадальная Параскево; ты же от твоих кровей трудолюбно чашу страданий испила еси,

желаючи по Христе́, Женисе́ твоём, во след потещи́, прехва́льная му́ченице, и яко ла́стовица доброгласная, песнь воспевала еси́ Христу́ Бо́гу: Аллилу́иа.

#### **Їкос 4**

Име́я всегда́ пред очами́ своїми́ Го́спода, за испове́дание ве́ры па́лицами немилостивно от мучи́телей би́ема, ра́довалася еси́, приснопáмятная му́ченице Параске́во, вопи́ючи: «Ничто́же мя разлучи́т от любве́ Твоея́, Христе́», и та́ко подвизáясь во Сла́ву Бо́жию, угоди́ла еси́ Го́споду. Те́мже, помина́юще честна́я тво́я страда́ния, с умиле́нием зове́м ти:

Ра́дуйся, а́гнице вседо́бляя, Пастыренача́льнику Христу́ прине́сшаяся, яко же́ртва благоуха́нная;

ра́дуйся, безсме́ртному Жениху́ Христу́ непоро́чное муче́ние твоё, яко ве́но пречестно́е, предста́вившая.

Ра́дуйся, отрокови́це чи́стая, и́стинное испове́дание ве́ры Правосла́вныя пред неве́рными яви́вшая;

ра́дуйся, пра́ведная обличи́тельнице, неправду́ нечестива́го судии́ я́ве открыв́шая.

Ра́дуйся, яко тобо́ю посрами́ся лука́вый враг, ви́дящ себе́ от ю́ной де́вы побежде́нна;

ра́дуйся, яко ра́дуются о тебе́ и си́лы небе́сныя, ви́дяще тя немо́щну и мла́ду су́щю, побежда́ющую лю́тых мучи́телей.

Ра́дуйся, голуби́це чи́стая и непоро́чная се́рдцем;

ра́дуйся, смире́нная а́гнице, благоуспе́шно честне́й и блаже́нней стра́сти Господне́й уподо́бльшаяся.

Ра́дуйся, яко прине́слася еси́ Зижди́телю тво́ему, яко кади́ло благово́нное;

ра́дуйся, яко зрит на тя пресве́тлое Со́лнце пра́вды, тридне́вно возсия́вшее от грóба и укрепив́шее тя к по́двигу страда́льческому.

Ра́дуйся, яко за пресла́вная тво́я страда́ния сподо́билася еси́ вни́ти в черто́г Христа́, Царя́ Небе́снаго;

ра́дуйся, яко та́мо вку́пе со святы́ми наслажда́ешься неизрече́нною ра́достью.

Ра́дуйся, Параске́во, невесто́ Христо́ва всехва́льная.

#### **Конда́к 5**

Боготечною звездою прешла еси в мире, страсотерпице славная Параскево, ясно веру во Христа всем проповедаючи. Страдания многа и люта мужески претерпевши, мучителя посрамила еси и ко Христу Господу, яко Свету незаходимому, радостно востекла еси. Емуже предстоящи с лики праведных, вину вопиеш: Аллилуиа.

### **Ўкос 5**

Видяще силы небесныя плотию страждущую Содетеля ради страсотерпицу Параскеву, Его силою крепящуюся, глаголаху: «Се, и девы на земли прославиша Господа!» Человецы же, трепетом одержими, ужасяхуся и удивляющесе, песньми прославляху: «О, чудесе! Дева врага победи и молится милостивому Владыке за спасение мира». Сего ради и мы, поминяюще исполненное веры мужество твое, преславная мученице, ублажаем тя, глаголюще:

Радуйся, доблественная страсотерпице, в защиту веры Православныя подвизавшаяся;

радуйся, наветов вражиих мудрая разорительнице.

Радуйся, Иконийскаго града учительнице;

радуйся, идольской суетной лести обличительнице.

Радуйся, верных смислы вонями добродетелей твоих благовопствующая;

радуйся, смрад страстный благодатию, свыше ти данною, отгоняющая.

Радуйся, эллинския кумиры, яко прах, унижившая;

радуйся, твоими подвиги, иже к Богу, тьмы начальника низложившая.

Радуйся, горняя, паче дольних, восхождения в сердце твоём положить возлюбившая;

радуйся, Христу Господу, Человеколюбцу, всю себе предавшая.

Радуйся, подобно первомученице Фекле, мног народ словом Божиим просветившая;

радуйся, неверных к Божественней вере приведшая.

Радуйся, Параскево, невесто Христова всехвальная.

### **Кондак 6**

Проповѣдницу чудес и славы Божия явила еси себе, доблестная мученице Параскѣво, после преславнаго исцеления в темнице, от Христа Господа тебе дарованнаго. Ему же возсылая благодарственная моления, радостно мы вопиём: Аллилуиа.

### **Икос 6**

Воссияла еси, яко светозарная звезда, обагрившиися каплями кровными, и Божественною благодатию отгнала еси безбожия тьму, мученице Параскѣво, просветивши верныя, чтущия твоя доблественныя подвиги. Тем же восхваляюще тя, усердно вопиём ти:

Радуйся, богомудрая дево, Христовых страстей общнице;

радуйся, в темнице ти сущей, ангельскаго посещения сподобльшаяся.

Радуйся, в отраду болезней твоих орудия страстей Христовых созерцавшая;

радуйся, Честный Крест и терновый венец нетленного Жениха твоего, Христа, узревшая.

Радуйся, язвы Господа на теле твоём носившая;

радуйся, от всех язв Тем же Господом чрез ангела исцеленная.

Радуйся, яко Той же Господь даровал тебе крепость и премудрость, ей же не возмогша противитися вси противляющиися истине;

радуйся, от кровей твоих светлую себе ризу исткавшая.

Радуйся, яко тобою от многих ран грешнии исцеляются;

радуйся, яко тобою от различных болезней, с верою ты призывающии, здравие приимлют.

Радуйся, уз греховных скороая решительнице;

радуйся, о всех христианах пред престолом Божиим верная молитвеннице.

Радуйся, Параскѣво, невесто Христова всехвальная.

### **Кондак 7**

Хотящу безумному мучителю игемону желание свое улучшить и паки покушающуюся ласкательными словесы тебе, святая мученице Параскѣво, от истиннаго Бога обратити к поклонению идолом; ты же, яко богомудрая дева, вразумляя его в суетстве идолов, рекла еси ему: «Покажи ми, игемоне, богов, их же

ты мнѣши исцѣливших мя от ран», и по велѣнію мучителя пришедши в храм идоольский, помолѣлася еси единому истинному Богу, от Егѣже Святаго ѣмене вси идоли падѣша и разсыпашася в прах, во уверѣние, яко единъ есть Бог, прославляемый во Святей Троице, Ему же вкупе со святыми ангелами вѣну вопиѣши: Аллилуѣа.

## **Ѣкосъ 7**

Новую показавъ безчеловѣчїа ярость зверообразный мучитель, егда тебѣ, святая мученице Параскѣво, повелѣ на дрѣве повѣсити и свещами горящими опалѣти твою девическая ребра. Сїе пачеестественное терпѣние твоѣ благоговѣнно воспоминающе, похвалами блажимъ тя сицевыми:

Радуйся, многообразныя болѣзни за Царя Христа Бога претерпѣвшая;

радуйся, яко предъ лицемъ человѣческимъ аще и мучу приѣла еси, упованіе же твоѣ безсмертія исполнено есть.

Радуйся, яко повѣшена была еси на дрѣве Христа ради, на Крестѣ распятаго, да венцемъ нетленїа от Него увязѣшия;

радуйся, яко стрѣгана была еси по ребромъ, Иисуса ради копїемъ в ребро прободеннаго, да Царствїемъ Егѣ Небеснымъ насладишия.

Радуйся, яко огонь любви к Богу в сердце твоѣмъ возжгла еси;

радуйся, яко за Того свещами огненными палима была еси.

Радуйся, твердейшая адаманта в терпѣнии твоѣмъ показавшаяся;

радуйся, в вѣре во Христа Господа крепчѣе паче камене, в мужестве непоколебимомъ пребывшая.

Радуйся, яко огнемъ опалѣема, огненною мудростїю пламень угасила еси естественный;

радуйся, яко свещу неугасиму душевную соблюдши, вошла еси со Христомъ, Женихомъ твоимъ, в чертогъ Небесный.

Радуйся, яко чудесными искрами страсти умертвивши, демонскїя полки страдальчески победила еси;

радуйся, яко страданїями твоими многъ народъ к познанїю истиннаго Бога привела еси.

Радуйся, Параскѣво, невесто Христова всехвальная.



## Конда́к 8

Стра́нное и стра́шное святы́я мученицы Параске́вы страда́ние ви́дяще, ве́рнии удивля́хуся зело́: ка́ко мла́да отрокови́ца су́щи, в ю́ности телеси́ тако́вая му́жественно за Христа́ терпи́т му́ки, слéзнаго испо́лнишася умилéния? Невер́нии же трéпетом одержи́ми и чуде́сными йскрами опаля́еми от А́нгела, бежа́ху. Мы же, прославля́юще дивнаго во святы́х Бо́га, вопи́ем: Аллилу́иа.

## Й́кос 8

Весь Сладча́йший Иису́с сла́дость, весь жела́ние тебе́ бысть, свята́я мученице Параске́во: сла́дце бо Его́ ра́ди го́рькия терпéла еси́ му́ки, глаго́лющи к мучи́телю: «Вра́же нечестивый игéмоне, что неистовствуеши на христиа́ны? ни ца́рства у тебе́ отъя́х, ни гра́да твоего́ разори́х, но бу́ими словеси́ увещáти мя помышля́еши. Аз плóти моея́ не щажду́ за Христа́ моего́, занé Он лю́бит мя: к Немú пойдú и Того́ бу́ду неvéста. Той мене́ спасéт от рук враг мо́их и да́рует ми жизнь вéчную». Помина́юще сицевáя тво́я словеса́ и до́блественныя по́двиги твоего́ исповéдничества, вопи́ем ти:

Ра́дуйся, злóбы невер́ных не устраши́вшаяся;

ра́дуйся, твáри пáче Созда́вшего не послужи́вшая.

Ра́дуйся, во е́же сопротивля́тися враго́м Бо́жиим, в духо́вное всеору́жие благодáти Бо́жией облéкшаяся;

ра́дуйся, й́долом немýм и глухým в ка́пище й́дольском не покло́нившаяся.

Ра́дуйся, й́менем всеси́льнаго Го́спода и твоéю к Немú моли́твою вся й́долы та́мо сокруши́вшая;

ра́дуйся, де́монов кова́рствия Божéственною си́лою упраздни́вшая.

Ра́дуйся, томлéния мучи́телей Крестóм Господним, я́ко держáвным ору́жием, му́жески победи́вшая;

ра́дуйся, о́гненное опалéние и жжéние дéвственнаго телесé твоего́ в воню́ мiра Христу́ Бо́гу принéсшая.

Ра́дуйся, ве́ру, наде́жду и любóвь к Бо́гу сохрáншая;

ра́дуйся, побéды венéц от ру́ки Христа́ Жизнода́вца приéмшая.

Ра́дуйся, рекó, испо́лненная благодáти Бо́жия вода́ми;

ра́дуйся, исто́чнице, кипя́щий чуде́с излия́нии.

Ра́дуйся, Параскѣво, невесто Христо́ва всехва́льная.

### Конда́к 9

Все́ми богокра́сными ле́потами добродѣтелей украси́вши себѣ, прехва́льная мученице Параскѣво, яви́лася еси́ твёрда и непоколеби́ма во испове́дании ве́ры Христо́вы. Сего́ ра́ди а́нгельское естество́ ве́лиею возра́довася ра́достью, узрѣвше му́жественную крѣпость твою́ и твёрдое твоѣ упова́ние. И мы слы́шавше, ка́ко посрами́ся лука́вый враг, от де́вы побежда́емь, и ка́ко Сам Христо́с Бог досто́йно венча́ет тя мученицу, кúпно с тобо́ю ра́достно вопи́ем прославля́ющему тя Го́споду: Аллилу́иа.

### И́кос 9

Витийствующий я́зык не возмо́жет восхвалити́ де́ла тво́я и вели́кия страда́льческия тво́я по́двиги по досто́янию, сла́вная мученице Параскѣво. Кто бо по́весть страда́ния тво́я и добродѣтели? На суди́щи бо испове́давши и́стиннаго Бо́га, от безчелове́чных мучи́телей претерпе́ла еси́ лю́тая, боле́зненная страда́ния; и в сих жесто́ких боле́знях б́вши па́лицами би́ема, желе́зными ноготы́ми строга́ема и огнём па́лима, ничто́же и́но веща́ла еси́ к Созда́телю тво́ему, то́кмо си́е: «Спаси́ мя, Го́споди, недосто́йную рабу́, не разлучи́ мене́, Христѣ́, от Тво́его жела́ния!» Смирѣнно помина́юще сицева́я тво́я страда́ния, умилѣнную песнь прино́сим ти, глаго́люще:

Ра́дуйся, кро́вию страда́ния тво́его Христу́ Бо́гу уневе́стившаяся;

ра́дуйся, страсте́м Христо́вым подража́вшая.

Ра́дуйся, любве́ ра́ди Господни жесто́кия мучѣния претерпе́вшая;

ра́дуйся, от Небе́снаго Царя́ благоле́пный венѣц восприя́вшая.

Ра́дуйся, я́ко всем ве́рным воспомина́ние твоѣ пресла́дко;

ра́дуйся, я́ко всей Це́ркви Христо́вой и́мя твоѣ прече́стно.

Ра́дуйся, досточу́дное а́нгелом и челове́ком зрѣлице б́вшая;

ра́дуйся, и са́мых мучи́телей непобеди́мым терпѣнием тво́им удиви́вшая.

Ра́дуйся, я́ко Сам Госпо́дь свѣ́ше призре́ на тво́я страда́ния;

ра́дуйся, я́ко Сам Той Подвигополо́жник похвали́ тво́я по́двиги.

Ра́дуйся, де́вам добро́то и похвалѣние;

ра́дуйся, мучеником красото́ и ве́рным утешѣние.

Ра́дуйся, Параскѣво, невесто Христо́ва всехва́льная.

### **Конда́к 10**

Спасти́ хотя́ ду́шу твою́, о теле́ твоёмъ всячески небрегла́ еси́, святая́ мученице Параскѣво. Егда́ бо на тя и мѣчное на смерть осуждѣние изыде от беззаконнаго мучителя, ты под меч о́стрый, аки под венѣцъ краси́ый, ра́достно потекла́ еси́; и во главу́ усековѣна бѣвши, душе́ю твоёю воспари́ла еси́ в черто́гъ Жениха́ твоего́ Безсме́ртнаго, Христа́ Бо́га, Ему́же вѣну на Небесѣхъ ны́не воспева́еши: Аллилу́иа.

### **Ўкос 10**

Стена́ была́ еси́ крѣпка и непоколебима́ во исповѣданіи вѣры в Триеди́наго Бо́га. Сего́ ра́ди многоболѣзненная страда́ния от мучителя претерпѣла еси́ и, до́бре скончавши течѣние твоѣ, венѣцъ от Христа́ Бо́га прия́ла еси́, и а́нгельскихъ ликостоя́ний на Небесѣ́хъ сподо́билася еси́. Те́мже воспомина́юще тво́я по́двиги, ублажа́ем тя, многострада́льная:

Ра́дуйся, течѣние мученическаго пути́ до́бре скончавшая;

ра́дуйся, вѣру безсме́ртному Жениху́ Христу́ до сме́рти сохра́ншая.

Ра́дуйся, в житіи́ твоёмъ богоугодными́ дѣлы́ Го́сподеви послужившая;

ра́дуйся, за любо́вь ко Христу́ Бо́гу всю мирску́ю суету́ отвѣргшая.

Ра́дуйся, си́лою свѣ́ше на браньъ проти́ву силъ преиспо́днихъ препоя́санная;

ра́дуйся, победоно́сною сла́вою в вѣ́шнихъ от Христа́ Победителя́ оде́янная.

Ра́дуйся, ору́жиемъ благово́ленія Бо́жия венча́нная на земли́;

ра́дуйся, цвѣ́томъ неувяда́емымъ укра́шенная на Небесѣ́хъ.

Ра́дуйся, христиа́номъ крѣ́пкое прибе́жище;

ра́дуйся, вѣ́рнымъ твѣ́рдое заступле́ние.

Ра́дуйся, безпомощныхъ защѣ́тительнице;

ра́дуйся, си́рыхъ покровѣ́тельнице.

Ра́дуйся, Параскѣво, невесто Христо́ва всехва́льная.

### **Конда́к 11**

Пѣние наше всякое побеждается, и многое множество хвалѣбных пѣсней, восписуемых ти, несть довольно по достоянью восхвалити тя, прехвальная мученице Параскѣво. Обаче молитвами твоими получающе от Христа Бога неисчетная благодѣяния, благодарни суще, поем о тебѣ Ему: Аллилуиа.

### **Икос 11**

Возсиявши нам, яко светило светозарное, мрак демонский от человек твоими мольбами отгоняеши, святая мученице Параскѣво, приемши бо благодать целити недуги, всем верным, притекающим к тебѣ с молитвою, подаеши исцеление: кровоточивии бо и прокаженнии прикосновением к раце мощей твоих очищаются, глушии слышат, ослабленнии здрави бывають призыванием святого твоего имени. Мы же, поминающе скорое заступление твое, вопием ти:

Радуйся, благовонная смиренно, Церковь Христова благоухающая;

радуйся, благонадежная молитвеннице, фимиам молитвы о нас к Богу приносящая.

Радуйся, мироположнице исцелений неоскудная;

радуйся, сокровище Божиих даров неизживаемое.

Радуйся, чаше, от обилия дому Божия черплющая радость;

радуйся, сосуде, от исполнения Христова приемлющий всех благ небесных сладость.

Радуйся, благодатную росу исцелений всем верным источающая;

радуйся, скорбныя сердца недужных дарованием исцелений ободряющая.

Радуйся, яко Христос Бог за доблественная твоя страдания славу и велеление на тя возложил есть;

радуйся, яко тебѣ Царь царствующих и Господь господствующих блаженство Царствия Своего даровал есть.

Радуйся, Царствия Христова сонаследнице;

радуйся, славы Божией сопричастнице.

Радуйся, Параскѣво, невесто Христова всехвальная.

### **Кондак 12**

Благодать от Бóга дана ти есть подавати исцеления всем трéбующим, яко от истóчника пребогáтого, хранити же и соблюдати от различных болéзней, бед и скорбей всякаго человекá, вéрою, любóвию и благоговéнием честная твоя страдания воспоминающаго и почитающаго. Молитвеннаго твоегó о нас предстательства и благодатных дарований не лишй и нас, многострадальная Христова страстотерпице. Да и мы, здрави суще телом и дýхом, в нынешней и бóдущей жизни о тебе поём Бóгу: Аллилуиа.

## **Їкос 12**

Поём твоя крèпкия пóдвиги, почитаем страдания, хвалим долготерпение, ублажаем святую твою кончину, славим твоё в нёмощнем теле непобедимое мужество, имже на земли и на Небеси прославилася еси, святая и добропобедная мученице Параскёво. И в честь твоих победоносных пóдвигов и страданий похвальная восписуем ти сия:

Рáдуйся, от ангельских чинóв в сожительство их любéзно приятая;

рáдуйся, от дéвственных ликóв в чертóг небесный рáдостно введенная.

Рáдуйся, от мученических полкóв под венéц славы провождаемая во гласе рáдования;

рáдуйся, от небесных жителéй приёмлющая о Гóсподе целование.

Рáдуйся, яко мзда твоя многа есть на Небесех;

рáдуйся, яко рáдость твоя вéчна есть во свéтлости святых.

Рáдуйся, в небесном чертóзе Божественнаго Женихá твоегó со ангелы Егó веселящаяся;

рáдуйся, лицезрением Всеблагáго Гóспода тамо вкупе со святыми наслаждающаяся.

Рáдуйся, душевных и телесных недúгов наших целительнице;

рáдуйся, душеспасительных благ и небесных дарóв подательнице.

Рáдуйся, яко тобою от нечаянныя смёрти сохранитися уповаем;

рáдуйся, яко твоим заступлением вéчную жизнь от Христá Бóга улучшить благонадéжно чаем.

Рáдуйся, Параскёво, невесто Христова всехвальная.

## **Кондак 13**



О святая премудрая и всехвальная мученице, невесто Христова Параскево! От благоговейных сердец приношиму тебе, аще и недостойную, хвалебную песнь сию прими от нас, яко усердную жертву сердец, любящих тебя и чествующих святую память твою. Охраняй нас молитвами твоими святыми, и вся люди, притекающие к честней иконе твоей и с любовью лобызующия ю, избавляй от всякаго злаго обстояния и скорби. Да тихое и безмолвное житие поживши в нынешнем веке, блаженство вечное наследим, и купно с тобою и всеми святыми вину сподобимся воспевати Богу: Аллилуиа.

*Этот кондак читается трижды, затем икос 1-й: «Ангелом честную...» и кондак 1-й: «Избранной Богом от рода...».*

## Молитва

Святая невесто Христова, многострадальная мученице Параскево! Вемы, яко от юности твоея ты всею душею твоею и всем сердцем твоим возлюбила еси Царя Славы, Христа Спасителя, и Ему единому уневестилася еси, раздавши имения твоя неимущим и бедным. Ты силою благочестия твоего, твоим целомудрием и праведностию, яко лучами солнечными, просияла еси, живши свято среди неверных и безбоязненно проповедавши им Христа Бога. Ты, от дней юности твоея, наученная твоими родителями, всегда благоговейно чествовала дни искупительных страстей Господа нашего Иисуса Христа, Егоже ради и сама добровольно пострадала еси. Ты, десницею Ангела Божия от неисцельных ран дивно исцеленная и восприявшая неизреченную светлость, изумила еси неверных мучителей. Ты, именем Господа нашего Иисуса Христа и силою молитвы твоея в капище языческом всех идолов долу повергнувши, в прах сокрушила еси я. Ты, опаляемая свещами, единою молитвою твоею ко всемогущему Господу угасила еси огонь естественный, и тем же пламенем, чудесне возжженным чрез Ангела Божия, попаливши неистовых беззаконников, мног народ привела еси к познанию истиннаго Бога. Ты, во славу Господа приявши мечное главы твоея усечение от мучителей, доблественно скончала еси страдальческий твой подвиг, возшедши душею твоею на Небеса, в чертог вождельнаго твоего Жениха Христа Царя Славы, радостно сретшаго тебя сим небесным гласом: «Радуйтесь, праведнии, яко мученица Параскева увенчана!» Темже и мы днесь приветствуем тебя, многострадальная, и, взирающе на святую твою икону, с умилением вопием ти: всечестная Параскево! Вемы, яко велие имаши дерзновение ко Господу: умоли убо Его, Человеколюбца, и о нас предстоящих и молящихся ти. Да подаст Он и нам, якоже тебе, терпение и благодушие в бедах и скорбных обстояниях; да дарует Он, ходатайством твоим и заступлением, радостное, благоденственное и мирное житие, здравие же и спасение, и во всем благое поспешение возлюбленному нашему отечеству да ниспослет святое Свое благословение и мир, и всем православным христианом да подаст твоими святыми молитвами утверждение в вере, благочестии и святости, преспеяние же в христианской любви и всякой добродетели; да очисти нас грешных от всякия скверны и порока; да оградит нас святыми Своими ангелами, да заступит, сохранит и помилует всех святою Своею

благодатию и соделает наследниками и причастниками Небеснаго Своего Царства. И тако улучивше спасение твоими святыми молитвами, предстательством и заступлением, всеславная невесто Христова Параскёво, прославим вси пречестное и великолепое имя дивнаго во святых Своих истиннаго Бога, Отца и Сына и Святаго Духа, всегда, ныне и присно, и во веки веков. Аминь.